



Počelo suđenje optuženima u predmetu Urban

Nedžad Bubica, Fahrudin Oručević i ostali terete se da su svojim radnjama oštetili budžet Kantona Sarajevo za oko četiri miliona maraka

U Kantonalnom sudu u Sarajevu jučer je počelo suđenje optuženima u predmetu Urban, koje Tužilaštvo KS-a tereti za udruživanje radi počinjenja krivičnih djela, zloupotrebu položaja, zloupotrebu procjene i gradnju bez odobrenja, potvrđeno je za Oslobodjenje.

Na optuženičkoj klupi su Nedžad Bubica (vlasnik firme Lake), Fahrudin Oručević (bivši ministar obrazovanja KS-a i profesor na Elektrotehničkom fakultetu), Narcis Behlilović (bivši dekan ETF-a), Irfan Turković (prodekan ETF-a), Enes Begović i Lamija Maglić-Stajić (bivši uposlenici Općine Novo Sarajevo) te Kenan Softić (vještak).

Tužilac Sead Kreštalica pročitao je



Tužilac Sead Kreštalica: Pročitao optužnicu / DAMIR ČUMUROVIĆ

optužnicu koja ovu grupu tereti da su od 2011. do 2014. godine, u namjeri da firmi Lake pribave imovinsku korist, zaključili ugovor o sanaciji zgrade ETF-a koja je bila predviđena za rušenje, bez postupka javne nabavke. Bez naknade, firmu Lake radovi su koštali oko tri miliona KM. Bubici je zauzvrat obećano zemljište u vrijednosti od sedam miliona i 400 KM. Na ovaj način su oštetili budžet KS-a za oko četiri miliona maraka.

Podsjetimo, Bubica i ostali su uhapšeni u akciji Urban, koju su po nalogu Tužilaštva KS-a proveli službenici **SIPA** u saradnji sa kolegama iz MUP-a KS-a.

Suđenje će biti nastavljeno 23. maia. **Z. Đ.**